



L'ultme curder

Fra i vècc cume me

Zartuni s'arcorda

Quand Jano d'Gambin

E' fileva la corda.

E' zirev un burdel,

da l'elba a la sera,

una roba 'd du metre

sporcad' pegula nera.

E Jano sla canva,

vruceda si fienc,

e' feva di nòmbul

per resti e parenc.

Incora a me veg,

ades ch'l'è za mort

caminandi d'indré

sla sinestra de port,

farmes d'ognitent

senza smet e' lavor,

spudès int al mmeni

per santì menc brusor.

L'ha pas tott la vita

Se sol o se gjaz

Sla zima dla riva

A fè scoti e ghindaz.

In l'ha fat cavalier,

u s'è ciè senza gloria

cume l'utme curder

però e' resta t'la storia.

L'ha las poc sora tera

Fors un fior int un vès,

mo l'udor dla su canva

a l'ho incora t'è nès.

Walter Fabbri (è non dla Valeria)

[Read More](#)
